

Communicaziun da medias

Il 15 da settember 2015 è di naziunal da solidaritad per fugitivs

Cuira, 10-09-2015- **Mardi, il 15 da settember 2015 organisescha la Chadaina da Fortuna ensemen cun la SRG SSR in di naziunal da solidaritad per fugitivs. Ina da las centralas per rimnar donaziuns è tar Radiotelevisiun Svizra Rumantscha (RTR) a Cuira. Là pon ins telefonar sin il numer gratuit 0800 87 07 07 per far donaziuns.**



Uffants da la Siria en ina scola provisorica en in champ da fugitivs.
(Keystone)

Il di da la collecta, il 15 da settember, è passa 300 voluntaris en las differentas centralas e prendan encunter da las 7 la damaun fin mesanotg ils telefons. Ina da quellas centralas è puspè tar RTR a Cuira nua che voluntaris e prominents (p.ex. Jon Domenic Parolini, Mario Cavigelli, Martin Jäger, Corin Curschellas, avat Vigeli Monn, Flurin Caviezel eav.) prendan encunter ils telefons cun las donaziuns annunziadas.

Cun las donaziuns po la Chadaina da Fortuna cuntinuar cun l'agid d'urgenza e distribuir nutriment, aua, medicaments, vestgadira e lura er sustegnair ils centers per retschaiver ils fugitivs che dovran savens sustegn psicologic e cussegliaziun giuridica.

Durant il di da la collecta pon ins telefonar da las 7 la damaun fin mesanotg sin il numer gratuit 0800 87 07 07 ed annunziar donaziuns. Donaziuns pon ins adina era far sin il conto postal 10-15000-6 (remartga «Flüchtlinge»), online sin www.glueckskette.ch u sur la Swiss-Solidarity-App da la Chadaina da Fortuna.

Infurmaziuns tar RTR:

Claudia Cathomen

Tel. 081 255 75 75 / E-Mail claudia.cathomen@rtr.ch